

4. POVELJA BOSANSKOG BANA KULINA DUBROVNIKU

od 29. augusta 1189. godine

U ime Oca i Sina i Sv. Duha.

Ja ban bosanski Kulin zaklinjem se tebi, kneže Gervasije, i svima građanima Dubrovčanima da će biti iskreni prijatelj Vama od sada i do veka, i pravi mir držati sa Vama i pravu vernost dok god sam živ.

Sve Dubrovčane koji kao trgovci putuju po mojoj državi ma gde ko hoće odsesti ili gde ko prolazi, pravom verom i pravim srcem držaću ih bez ikakve štete (po njih), sem ako mi neko po svojoj volji učini poklon; i da im ne bude od mojih časnika nasilja; i dok god će biti kod mene, pružiću im savet i pomoć kao što i samome sebi koliko god budem mogao, bez ikakve zle namere. Tako mi Bog pomogao i ovo sveto jevandjelje.

Ja, Radoje dijak banov, pisah ovu knjigu po naredbi banovoj...

Izvor naveden prema: V. PETRIĆ, *Iz pravne istorije naroda Jugoslavije, Odabrani izvori*, Beograd 1968, 120-121. (Dalje se citira kao Iz pravne istorije); usporediti: S. JALIMAM, *Izvori za historiju*, 41.

Komentar – Kulin ban predstavlja historijsku i mitsku ličnost bosanske feudalne države. Prema sačuvanim dokumentima (osam pisanih i jedan natpis na kamenom spomeniku) u kojima se spominje njegovo ime, vidi se da je Kulin ban bio bosanski ban u periodu od 1180. do 1204. godine. U to vrijeme Bosna se formira kao samostalna i uređena država što svakako doprinosi njenom ekonomskom razvitku i prosperitetu. Otvaraju se prvi rudnici željeza i srebra, a u Bosnu počinju dolaziti i stranci, prije svih Dubrovčani, radi obavljanja trgovine i drugih poslova. Svjestan činjenice da su trgovačke veze sa Dubrovnikom od životnog značaja za Bosnu, Kulin ban je 29. augusta 1189. godine sklopio prvi međunarodni ugovor sa Dubrovnikom i tim povodom je Dubrovčanima izdao svoju poznatu povelju, Povelju Kulina bana, kojom garantira dubrovačkim trgovcima slobodu trgovine i kretanja po Bosni, preuzimajući na sebe obavezu da ih štiti u svojoj državi, te da im pomaže savjetom i djelom ako bude potrebno.

Pisac Lašvanin je zabilježio da "... u vrijeme njegova banstva Bosna bi najsretnija i najobilatija...". Slično pišu i dubrovački pisci, navodeći da je Bosna u doba Kulina bana bila sretna i blagoslovljena. U narodnoj tradiciji to vrijeme je zapamćeno kao "zlatno doba" što potvrđuje stara narodna poslovica koja glasi "*Od Kulina bana i dobrije dana*".

Povelja Kulina bana je napisana starim bosanskim pismom bosančicom i predstavlja najstariji do sada pronađeni državni dokument, ne samo Bosne nego i svih južnoslavenskih naroda. Pretpostavlja se da je ruski konzul Gil'ferding odnio ovaj značajan dokument iz Dubrovnika u tadašnji Petrograd. Danas se Povelja čuva u Biblioteci Akademije nauka u St. Petersburgu.

+ 8 иле ѿца и сна и стаго аха. Же вань: косињски кљинъ¹
 присеваю вѣк кнезе^{тв} кръваши: и вѣсѣнь граћамъ дѣвровичамъ²
 правы: пристель: кыти вами³ ѿ склѣ: и добрѣка: и правъ гон
 дрѣжат(и) | съ вали: и правъ: вѣров: доколе съмъ живъ⁴ вѣси
 дѣвровичане: кире ходе: по моему владанију: тѣргюке⁵ годѣ
 си кто: хоке: крѣвати: го[д]и си кто мише: праковъ вѣровъ:
 и правы мърдѣцемъ: дрѣжати вѣзъ вѣсакое влади: раз[вѣк]
 що ми кто: да воеvъ воловъ поклонъ; и да имъ не вѣде: ѿ
 моихъ: чистъниковъ: сиље: и доколѣ: 8| ми вѣдѣ: дати имъ:
 съвѣтъ: и поломъ: какоре: и се[вѣк]: коликоре логе: вѣзъ вѣ-
 сака: зѣлога прими[сла]: тако ми вже помаган: и сиে сто ева-
 нѣглие. | Же радое: дикѣкъ вань: писаћъ сијо: книгъ: повеловъ:
 вановъ: ѿ рожьста: хва: тисѣка . и съто: и шесадесетъ: и
 деветъ: лѣтъ: жксеца: ахъгвста: 8 дѣвадесети: и деветы:
 дни: вѣдчене: гла[ке]: ишкана: крѣститела:);²

Povelja Kulina bana Dubrovniku (29. august 1189. godine).